

JONES, ROBERT (1810 - 1879), clericwr ac awdur

Enw: Robert Jones
Dyddiad geni: 1810
Dyddiad marw: 1879
Rhiant: Robert Jones
Rhyw: Gwryw
Galwedigaeth: clericwr ac awdur
Maes gweithgaredd: Crefydd; Llenyddiaeth ac Ysgrifennu
Awdur: Thomas Iorwerth Ellis

Ganwyd 6 Ionawr 1810, mab hynaf Robert Jones o Lanfyllin, Sir Drefaldwyn. Cafodd ei addysgu yn ysgol ramadeg Croesoswallt. Ymaelododd ym Mhrifysgol Rhydychen o Goleg Iesu, 12 Rhagfyr 1834, a graddio'n B.A. yn 1837. Ordeiniwyd ef yn ddiagon gan yr esgob Carey o Lanelwy, 1 Gorffennaf 1837, a'i drwyddedu i guradiaeth Lloneurgain, Sir y Fflint. Cafodd urddau offeiriad 5 Mai 1838, a bu'n gurad yn Abermaw o 1840 hyd 1842. Yn y flwyddyn honno dyrchafwyd ef yn ficer Eglwys All Saints, Rotherhithe, Llundain, ac yno y bu hyd ei farwolaeth 28 Mawrth 1879. Claddwyd ef ym mynwent Eglwys All Saints.

Yn ystod ei dymor yn Abermaw cyhoeddodd gasgliad o salmau ac emynau Cymraeg, ac, yn 1864, adargraffiad o lyfr y [Dr. John Davies](#), *Flores Poetarum Britannicorum*. Yn 1876 cyhoeddodd *The Poetical Works of Goronwy Owen ... with his Life and Correspondence* (dw gyfrol) ac yn 1877 *The Works of Iolo Goch, with a sketch of his life*, ond torrwyd ar draws hyn gan ei farwolaeth. Yr oedd yn aelod pybyr o Anrhydeddus Gymdeithas y Cymmrodorion, ac yn 1876 penodwyd ef yn olygydd *Y Cymmrodor*; rhoddes gryn gefnogaeth i'r eisteddfod genedlaethol, ac i Goleg Prifysgol Cymru, Aberystwyth, yn ei flynyddoedd cynnar. Yr oedd yn flaenllaw ym mywyd Cymry Llundain ac yn uchel ei barch yno.

Awdur

Thomas Iorwerth Ellis, (1899 - 1970)

Ffynonellau

R. Williams, *Montgomeryshire Worthies* (1894)

Bye-Gones, relating to Wales and the Border Counties, 2 Ebrill 1879

Y Cymmrodor, iii, 126

Foster, *Alumni Oxonienses*

cofrestri esgobaeth Lanelwy yn Ll.G.C.

[A History of the Cymmrodorion](#), *Y Cymmrodor*, Cyf. 50, 1951, tt.180-1

Darllen Pellach

Erthygl Wicipedia: [Robert Jones, Rotherhithe](#)

Gweithiau

Goronwy Owen, Robert Jones (gol.), *The poetical works of the Rev. Goronwy Owen (Goronwy Ddu o Fon): with his life and correspondence* (London 1876), Cyf. I

Goronwy Owen, Robert Jones (gol.), *The poetical works of the Rev. Goronwy Owen (Goronwy Ddu o Fon): with his life and correspondence* (London 1876), Cyf. II

Dolenni Ychwanegol

VIAF: [53965062](#)

Wikidata: [Q7346179](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

